

16 августа 2026. Воскресение. Глас 2.

Прпп. Исаа́кий, Далма́т и Фавст.

Великая Вечерня (приходская)

Диакон: Воста́ните!

Лик: Го́споди, благослови́!

Священник, изображая кадилом крест перед престолом: Сла́ва Святе́й, и Единосúщней, и Животворя́щей, и Неразде́льной Тро́ице всегда́, ны́не и пр́сно, и во ве́ки веко́в.

Лик: Ами́нь.

Священнослужители в алтаре:

Прииди́те, поклони́мся Царе́ви на́шему Бо́гу.

Прииди́те, поклони́мся и припаде́м Христу́ Царе́ви на́шему Бо́гу.

Прииди́те, поклони́мся и припаде́м Само́му Христу́, Царе́ви и Бо́гу на́шему.

Прииди́те, поклони́мся и припаде́м Ему́.

Затем совершается полное каждение храма при пении стихов предначинательного псалма 103. По Уставу после каждения при пении 2-й половины 103 псалма Священник, стоя с непокрытой головой перед Царскими вратами, должен читать светильничные молитвы. На практике, однако, молитвы читаются во время мирной ектении, а при служении одним Священником без диакона — опускаются

Лик: Благослови́, ду́ше моя́, Го́спода. Благословен еси́, Го́споди. Го́споди, Бо́же мой, возвели́чился еси́ зело́. Благословен еси́, Го́споди. Во испове́дание и в велеле́поту облéклся еси́. Благословен еси́, Го́споди. Посреде́ гор про́йдут во́ды. Дивна́ дела́ Твоя́, Го́споди. Вся премудро́стию сотвори́л еси́. Сла́ва Ти, Го́споди, сотвори́вшему вся.

Сла́ва Отцу́ и Сы́ну и Свято́му Ду́ху, и ны́не и пр́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (Трижды).

По окончании предначинательного псалма диакон, выйдя северными вратами и став, как обычно на амвоне, произносит великую ектению.

Ектения великая

Диакон: Мíром Го́споду помóлимся.

Лик: Го́споди, помíлуй *(на каждое прошение).*

Диакон: О свѣ́шнем мíре и спасѣ́нии душ на́ших, Го́споду помóлимся.

Диакон: О мíре всегó мíра, благостоя́нии святы́х Бо́жиих церквѣй и соединѣ́нии всех, Го́споду помóлимся.

Диакон: О святе́м хра́ме сем и с ве́рою, благоговѣ́нием и стра́хом Бо́жиим входя́щих в онь...

Диакон: О Вели́ком Господíне и отце́ на́шем, Святѣ́йшем Патриárхе Кири́лле, честне́м пресвѣ́терстве, во Христѣ́ диа́констве и о всемъ при́чте и лю́дех, Го́споду помóлимся.

Диакон: О Богохрани́мей стране́ на́шей, власте́х и во́инстве ея́, Го́споду помóлимся.

Диакон: О гра́де сем, вся́ком гра́де, стране́ и ве́рою живу́щих в нѣх, Го́споду помóлимся.

Диакон: О бла́горастворе́нии возду́хов, о изобѣ́лии пло́довъ земны́х и вре́менехъ мѣ́рных, Го́споду помóлимся.

Диакон: О пла́вающих, путеше́ствующих, недúгующих, стра́ждущих, пленѣ́нных и о спасѣ́нии их, Го́споду помóлимся.

Диакон: О изба́витися намъ отъ вся́кя скóрби, гнѣ́ва и ну́жды, Го́споду помóлимся.

Диакон: Заступи́, спаси́, помíлуй и сохрани́ нас, Бо́же, Твое́ю благода́тию.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себѣ́ и другъ дру́га, и весь живо́т нашъ Христú́ Бо́гу преда́димъ.

Лик: Тебе́, Го́споди.

Священник: Я́ко подобáетъ Тебе́́ вся́кая сла́ва, честь и поклонѣ́ние, Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Лик: Ами́нь.

1 антифон 1 кафизмы («Блажен муж»)

Блаже́н муж, и́же не и́де на сове́т нече́сти́вых. Аллилуия **(трижды)**.

Яко весть Госпо́дь путь пра́ведных, и путь нече́сти́вых поги́бнет. Аллилуия **(трижды)**.

Работайте Господеви со страхом и радуйтесь Ему с трепетом. Аллилуия **(трижды)**.

Блажени вси надеющиися Нань. Аллилуия **(трижды)**.

Воскресни, Господи, спаси мя, Боже мой. Аллилуия **(трижды)**.

Господне есть спасение и на людех Твоих благословение Твое. Аллилуия **(трижды)**.

Слава Отцу и Сыну и Святому Духу, и ныне и присно и во веки веков. Аминь. Аллилуия **(трижды)**.

Аллилуиа, аллилуиа, аллилуиа. Слава Тебе, Боже. **(Трижды)**.

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Пресвяту́ю, Пречи́стую, Преблагослове́нную, Сла́вную Влады́чицу на́шу Бого́родицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Священник: Яко Ты еси Бог наш, Бог милovati и спасати, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Стихиры на «Господи, воззвах» (сокращенно, на 6)

Канонарх: Глас 2, Господи, воззвах к Тебе, услыши мя.

Лик: Господи, воззвах к Тебе, услыши мя.// Услыши мя, Господи.

Господи, воззвах к Тебе, услыши мя:/ вонми гласу моления моего,/ внегда воззвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ жертва вечерняя.// Услыши мя, Господи.

На 10, стих: Изведи из темницы душу мою,/ исповедатися имени Твоему.

Стих: Мене ждут праведницы/ дондеже воздаси Мне.

На 8, стих: Из глубины воззвах к Тебе Господи,/ Господи, услыши глас мой.

Стих: Да будут уши Твои/ внимлюще гласу моления моего.

Октоих, глас 2, Неделя на 3

На 6, стих: Аще безакония назириши, Господи, Господи, кто постоит?/
Яко у Тебе очищение есть.

Прежде век от Отца Рождшемуся Божию Слову,/ воплощшемуся от Девы Марии,/ приидите поклонимся:/ крест бо претерпев,/ погребению предадётся, яко Сам восхотё:/ и воскрес из мёртвых,// спасё мя заблуждающего человека.

Стих: Имене ради Твоего потерпех Тя, Господи, потерпё душа моя в слово Твоё,/

упова душа моя на Господа.

Христос Спа́с на́ш,/ е́же на ны́ рукописа́ние пригвозди́в на
Кресте́ загла́ди,/ и сме́ртную держа́ву упраздни́:// покла-
няемся Егó тридне́вному воскресе́нию.

Стѹх: От стра́жи у́тренния до но́щи, от стра́жи у́тренния,/
да упова́ет Изра́иль на Го́спода.

Со Арха́нгелы воспо́им Христово́ воскресе́ние:/ То́й бо е́сть
Изба́витель и Спа́с ду́ш на́ших,/ и в сла́ве стра́шной и
кре́пцей си́ле,// па́ки гряде́т суди́ти ми́ру, егóже созда́.

прпп. Исаа́кия, Далма́та и Фавста на 3, Глас 8.

Глас 8.Стѹх: Яко у Го́спода ми́лость, и мно́гое у Него́ избавле́ние,/ и То́й изба́вит Изра́иля от все́х беззакóний егó.

Преподо́бнии Твои́, Го́споди,/ подо́бящися Безплóтным,/ моли́твою и воздержáнием стра́сти отгна́ша плотскі́я/ и, чу-
додѣ́йствы просия́вше,/ всех серде́цá просвети́ша./ Тех молѣ́-
нием да́руй лю́дем Твои́м// ве́лию ми́лость.

Стѹх: Хвали́те Го́спода вси́ язы́цы,/ похва́лите Егó вси́ лю́дие.

Далма́т и Исаа́кий,/ ре́вность добродѣ́тельную воспри-
ѣмше,/ А́риеву е́ресь и Нестóриеву разори́ша я́ве/ и, право-
сла́вных побóрницы бы́вше,/ сла́ву от всех при́яша./ Тех,
Христѣ́, моли́твами/ да́руй лю́дем Твои́м// ве́лию ми́лость.

Стѹх: Яко утверди́ся ми́лость Егó на нас,/ и и́стина Госпо́дня пребыва́ет во ве́к.

Звѣзды́ твѣ́рди воздержáния я́вльшеся,/ просвети́сте
мона́шествующих, отцы́ преподо́бнии, ду́ши,/ тьму

де́монскую отгна́вше./ Тёмже по кончи́не ублажа́етесь,/ моля́щися спасти́ся всем,// творя́щим Божество́нную па́мь вáшу.

Слава, глас 6: Сла́ва Отцу́, и Сы́ну, и Свято́му Ду́ху.

И ны́не, и прісно, и во ве́ки веко́в. Ами́нь.

Пре́йде сень зако́нная,/ благода́ти прише́дши:/ я́ко же бо купина́ не сгара́ше, опаля́ема,/ та́ко Де́ва родила́ еси́/ и Де́ва пребыла́ еси́./ Вме́сто столпа́ о́гненнаго/ пра́ведное возсия́ Со́лнце,/ вме́сто Моисе́я Христос́,// спасе́ние душ на́ших.

Диакон: Благослови́, влади́ка, свято́й вход!

Священник: Благословен вход святы́х Твои́х всегда́, ны́не и прісно, и во ве́ки веко́в.

Диакон, изображая крест кадилом, возглашает: Прему́дрость, прости́.

Вечерняя песнь Сыну Божию

Све́те Ти́хий святы́я сла́вы,/ Безсме́ртнаго, Отца́ Небе́снаго,/ Свята́го Блаже́ннаго, Иису́се Христэ́./ Прише́дше на за́пад со́лнца,/ ви́девши свет вече́рний,/ поём Отца́, Сы́на и Свята́го Ду́ха, Бо́га./ Досто́ин еси́ во вся времена́/ пёт бы́ти гла́сы преподо́бными,/ Сы́не Бо́жий, живо́т да́й,// тёмже ми́р Тя сла́вит.

Диакон: Во́ннем.

Священник: Мир всем.

Лик: И ду́хови твоemú.

Прокимен в субботу вечера, глас 6:

Диакон: Прему́дрость. Во́ннем. Проки́мен, глас 6. Госпо́дь воцари́ся,/ в ле́поту облече́ся.

Лик: Господь воцарися, в лепоту облечеса **(на каждый стих).**

Диакон: Облечеса Господь в силу и препоясая.

Диакон: Ибо утверди вселенную, яже не подвижится.

Диакон: Дому Твоему подобает святыня, Господи, в долготу дней.

Диакон: Господь воцарися

Лик: В лепоту облечеса.

Сугубая ектения

Диакон: Рцем вси от всея души, и от всего помышления нашего рцем.

Лик: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Лик: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй **(трижды на каждое прошение).**

Диакон: Еще молимся о Великом Господине и Отце нашем Святейшем Патриархе Кирилле, и всей во Христе братии нашей.

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Молитва при наступлении вечера

Лик: Сподоби, Господи, в вечер сей без греха сохранитися нам./ Благословен еси, Господи Боже отец наших,/ и хваально и прославлено имя Твое во веки, аминь./ Буди, Господи, милость Твоя на нас, якоже уповаем на Тя./ Благословен еси, Господи, научи мя оправданием Твоим./ Благословен еси, Владыко, вразуми мя оправданием Твоим./ Благо-

словѣн еси́, Святѣй, просвети́ мя оправдани́и Твои́ми./
Господи, мѣлость Твоя́ во век, дел рукѹ Твоею́ не прѣзри./
Тебѣ подобает хвалá. Тебѣ подобает пѣние,/ Тебѣ сла́ва
подобает, Отцѹ и Сы́ну и Святóму Дѹху,/ ны́не и прѣсно и во
вѣки веко́в. Ами́нь.

Ектенія просительная

Диакон: Испóлним вечѣрнюю моли́тву на́шу Господеви.

Лик: Господи, помѣлуй.

Диакон: Заступи́, спаси́, помѣлуй и сохрани́ нас, Бóже, Твоею́ благодáтию.

Лик: Господи, помѣлуй.

Диакон: Вѣчера всего́ совершѣнна, свѣта, мирна и безгрѣшна у Господа прóсим.

Лик: Подáй, Господи *(на каждое прошение)*.

Диакон: Ангела мирна, вѣрна наставника, хранителя душ и телес наших у Господа прóсим.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помяну́вше, сами́ себе и друг дру́га, и весь живóт наш Христѹ́ Бóгу преда́дим.

Лик: Тебѣ, Господи.

Священник: Яко́ благ и человеколю́бец Бог еси́, и Тебѣ сла́ву возсыла́ем, Отцѹ́, и Сы́ну, и Святóму Дѹху, ны́не и прѣсно, и во вѣки веко́в.

Лик: Ами́нь.

Священник: Мир всем.

Лик: И дѹхови твоемѹ́.

Диакон: Главы́ наша́ Господеви приклóним.

Лик: Тебѣ, Господи.

Священник: Буди держа́ва Цáрствия Твоегó благословѣна и препросла́влена, Отца́, и Сы́на, и Свята́го Дѹха, ны́не и прѣсно, и во вѣки веко́в.

Лик: Амѣнь.

Литія

В дни, когда совершается всенощное бдение, священнослужители исходят в притвор храма с пением литийных стихир храма (под воскресенье) или праздника для совершения литии. Диакон совершает каждение святых икон в притворе, настоятеля, поющих и народа.

Стихиры на литии

Стихира храма.

Слава и ныне, по гласу стихиры храма.

По окончании пения стихир диакон произносит следующие молитвенные прошения

Диакон: Спаси, Бóже, лю́ди Твоя́ и благослови́ достоя́ние Твое́...

Лик: Го́споди, поми́луй. (40 раз).

Диакон: Ещѣ мо́лимся о Вели́ком Госпо́дине и отцѣ на́шем Святѣ́йшем Патри́архе Кири́лле и о всем во Христѣ́ бра́тстве на́шем...

Лик: Го́споди, поми́луй. (50 раз).

Диакон: Ещѣ мо́лимся о е́же сохра́нѣтися гра́ду сему́, и свято́му хра́му сему́, и вся́кому гра́ду и странѣ́, от гла́да, губи́тельства, тру́са, пото́па, огня́, мечá, на́ше́ствия иноплеме́нников и междоусóбныхъ бра́ни; о е́же ми́лостиву и благоуве́тливу бы́ти благо́му и человеколю́бивому Бо́гу на́шему, отврати́ти вся́кий гнев на ны двѣ́жимый, и изба́вити ны от нале́жащаго и пра́веднаго Своего́ прещѣ́ния и поми́ловати ны.

Лик: Го́споди, поми́луй. (Трижды).

Диакон: Ещѣ мо́лимся и о е́же услы́шати Го́споду Бо́гу глас моле́ния нас, грѣш-ныхъ, и поми́ловати нас.

Лик: Го́споди, поми́луй. (Трижды).

Священник: Услы́ши ны, Бóже, Спаси́телю наш, упова́ние всехъ концевъ землі́ и сущихъ в мо́ри далѣ́че, и ми́лостив, ми́лостив бу́ди, Влады́ко, о гресѣ́хъ на́шихъ, и поми́луй ны. Ми́лостив бо и Человеколю́бец Бог еси́, и Тебе́ сла́ву возсыла́ем, Отцу́, и Сыну, и Свято́му Ду́ху, ны́не и прѣ́сно, и во ве́ки веко́в.

Лик: Амѣнь.

Священник: Мир всем.

Лик: И дүхови твоєму.

Диакон: Главы наша Господеви приклоним.

Лик: Тебѣ, Господи.

Все преклоняют головы и Священник читает молитву велегласно:

Владыко многомилостиве, Господи Иисусе Христѣ, Божѣ наш, молитвами всепречистыя Владычицы нашея Богородицы и Приснодевы Маріи, сілою Честнаго и Животворящаго Креста, предстательства честных Небесных Сил безплотных, честнаго, славнаго пророка, Предтечи и Крестителя Иоанна...

Лик: Амѣнь.

Затем начинаются стихиры на стиховне и при их пении священнослужители входят из притвора в храм.

Стихиры на стиховне

Октоих, глас 2, Неделя на 4

Канонарх: Глас 2. Воскресѣние Твое, Христѣ Спасе.

Воскресѣние Твое, Христѣ Спасе,/ всю просвети вселенную/
и призвал еси Твое создание:// всесильне Господи, слава Тебѣ.

Стих: Господь воцарися./

Лик: в лепоту облечѣся.

Древом, Спасе, упразднил еси,/ юже от древа клятву,/ державу смерти погребѣнием Твоим умертвил еси,/ просветил же еси род наш востанием Твоим./ Темже вопиѣм Тебѣ:// Животодавче Христѣ Божѣ наш, слава Тебѣ.

Стих: Ибо утверди вселенную./

Лик: яже не подвижится.

На Крестѣ явлься Христѣ пригвождаем,/ изменил еси
доброту зданий:/ и безчеловѣчье ўбо вои́ни показу́юще,/
копи́ем рѣбра Твоя́ прободо́ша,/ евре́и же печата́ти гроба́
проси́ша,/ Твоея́ вла́сти не ве́дуще./ Но за милосѣрдие
утро́б Твои́х,/ прие́мый погребѣ́ние, и тридне́вен
воскресы́й, // Го́споди, сла́ва Тебе́.

Стих: До́му Твоему́ подоба́ет святы́ня, Го́споди./

Лик: в долготу́ дний.

Животода́вче Христѣ, во́лею стра́сть претерпе́вый
смѣртных ра́ди,/ во а́д же снизше́д я́ко си́лен,/ та́мо Твоего́
прише́ствия ожида́ющыя, исхити́в я́ко от зве́ря кре́пкаго,/
ра́й вме́сто а́да жи́ти дарова́л еси́./ Те́мже и на́м сла́вящим
тридне́вное Твое́ воста́ние,/ да́руй очище́ние грехо́в, // и
ве́лию ми́лость.

Слава, глас 8: Сла́ва Отцу́, и Сы́ну, и Свято́му Ду́ху.

Лик: И ны́не, и прі́сно, и во ве́ки веко́в. Ами́нь.

О чудесе́ но́ваго все́х дре́вних чудес!// кто́ бо позна́ Ма́терь
без му́жа ро́ждшую,/ и на руку́ нося́щую, всю́ тва́рь Со-
держа́щаго?/ Бо́жие е́сть изволе́ние, Ро́ждшееся./ Егóже я́ко
Младѣ́нца, Пречи́стая, Твои́ма рука́ма носі́вшая,/ и ма́терне
дерзнове́ние к Нему́ иму́щая,/ не преста́й моля́щи о чту́щих
Тя, // ущѣ́дрити и спасти́ ду́шы на́ша.

Молитва святого Симеона Богоприимца

Лик: Ны́не отпу́щаеши раба́ Твоего́, Влады́ко,/ по глаго́лу
Твоему́ с ми́ром:/ я́ко ви́деста о́чи мой спасѣ́ние Твое́,/ е́же

еси́ угото́вал пред лицём всех люде́й,/ свет во открове́ние
язы́ков,// и сла́ву люде́й Твои́х Изра́иля.

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас
(трижды).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в.
Ами́нь.

Пресвята́я Тро́ице, поми́луй нас; Го́споди, очисти грехи́ на́ша; Влады́ко,
прости́ беззако́ния на́ша; Святы́й, посети́ и исцели́ немо́щи на́ша, и́мене
Твоего́ ра́ди.

Го́споди, поми́луй (трижды).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в.
Ами́нь.

О́тче наш, И́же еси́ на Небесе́х! Да святі́тся и́мя Твое́, да прии́дет Ца́р-
ствие Твое́, да бу́дет во́ля Твоя́, я́ко на Небеси́, и на землі. Хлеб наш на-
су́щный даждь нам днесь; и оста́ви нам до́лги на́ша, я́коже и мы остав-
ляем должнико́м на́шим; и не введи́ нас во искуше́ние, но изба́ви нас от
лука́ваго.

Священник: Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го
Ду́ха, ны́не и прісно, и во ве́ки веко́в.

Лик: Ами́нь.

Тропари

Глас 4: Богоро́дице Де́во, ра́дуйся,/ благодáтная Мари́е,
Госпо́дь с Тобо́ю,/ Благослове́нна Ты в жена́х/ и
благослове́н Плод чре́ва Твоего́,// я́ко Спа́са родила́ еси́
душ на́ших. (Трижды)

*Во время пения тропарей диакон троекратно кадит вокруг стола, на котором предложе-
ны для освящения пять хлебов, пшеница и два сосуда – с вином и с елеем, и в конце – Свя-
щенника. Священник же, взяв один хлеб, творит им знамение креста над прочими хлебами.*

Диакон: Го́споду помо́лимся.

Лик: Го́споди, поми́луй.

Молитва на освящение хлебов

Священник: Господи Иисусе Христэ, Бóже наш, благословívый пять хлéбов и пять тýсящ насытívый, Сам благослови́ и хлéбы сия, пшени́цу, вино́ и елéй, и умно́жи сия во гра́де сем, и во всем ми́ре твоём, и вкуша́ющия от нíх верныя освяти́. Яко Ты еси́ благословля́я и освяща́яй вся́ческая, Христэ́ Бóже наш, и Тебе́ сла́ву возсыла́ем, со безнача́льным Твои́м Отце́м, и всесвятýм, и благи́м, и животворя́щим Твои́м Дýхом, ны́не и прýсно, и во ве́ки веко́в.

Лик: Амíнь. Бýди íмя Госпóдне благословéно от ны́не и до ве́ка. *(Трижды)*

Псалом 33

Лик: Благословлю́ Господа на вся́кое вре́мя,/ вýну хвалá Егó во устéх мойх. О Госпóде похва́лится душá моя́,/ да услы́шат крóтцыи и возвеселя́тся. Возвели́чите Господа со мно́ю/ и вознесём́ íмя Егó вку́пе. Взыска́х Господа и услы́ша мя,/ и от всех скорбéй мойх изба́ви мя. Приступите́ к Немý и просветите́ся,/ и ли́ца ва́ша не постыдýтся. Сей ни́щий воззва́, и Госпóдь услы́ша í,/ и от всех скорбéй егó спасé í. Ополч́ится А́нгел Госпóдень о́крест боя́щихся Егó,/ и изба́вит их. Вкусите́ и ви́дите, я́ко благ Госпóдь;/ блаже́н муж, íже упова́ет Нань. Бóйтесь Господа, вси святíи Егó,/ я́ко несть лишéния боя́щимся Егó. Богáтии обнища́ша и взалка́ша,// взыска́ющии же Господа не лишáтся вся́кого бла́га.

Священник же, пройдя вперед, стоит пред Царскими вратами. По окончании же пения псалма, благословляя народ, возглашает:

Благословéние Госпóдне на вас. Тогó благодáтию и человеколю́бием, всегда́, ны́не и прýсно и во ве́ки веко́в.

Лик: Амíнь.

Воскресная утренняя (приходская)

Шестопсалмие

И начинаем шестопсалмие, слушая со всяким молчанием и умилением; читающий же брат с благоговением и страхом Божиим произносит:

Чтец: Слава в вы́шних Бо́гу, и на землі мир, в челове́цах благоволе́ние. **(Трижды)**

Го́споди, устне́ мой отве́рзеши, и уста́ моя возвестя́т хвалу́ Твою́. **(Дважды)**

Псалом 3

Го́споди, что ся умно́жиша стужа́ющи ми? Мно́зи встаю́т на мя, мно́зи глаго́лют души́ мое́й: несть спасе́ния ему́ в Бо́зе его́. Ты же, Го́споди, Засту́пник мой еси́, сла́ва моя и вознося́й главу́ мою. Гла́сом моим ко Го́споду воззва́х, и услы́ша мя от горы́ святы́я Своея́. Аз усну́х, и спях, воста́х, я́ко Госпо́дь засту́пит мя. Не убою́ся от тем люде́й, о́крест напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми всу́е: зу́бы грешников сокруши́л еси́. Госпо́дне есть спасе́ние, и на лю́дех Твои́х благослове́ние Твое́.

Аз усну́х и спях; воста́х, я́ко Госпо́дь засту́пит мя.

Псалом 37

Го́споди, да не я́ростию Твое́ю обличи́ши мене́, ниже́ гне́вом Твои́м нака́жеша мене́. Я́ко стрéлы Твоя́ унзо́ша во мне, и утверди́л еси́ на мне ру́ку Твою́. Несть исцеле́ния в плóти мое́й от лица́ гнева́ Твоего́, несть ми́ра в костéх моих от лица́ грех моих. Я́ко беззакóния моя́ превзыдо́ша главу́ мою́, я́ко брeмя тяжкое́ отяготéша на мне. Возсмердéша и согни́ша ра́ны моя́ от лица́ безумия́ моего́. Пострада́х и сляко́хся до конца́, весь день сéтуя хожда́х. Я́ко лядвия́ моя́ напо́лнишася поруга́ний, и несть исцеле́ния в плóти мое́й. Озло́блен бых и смири́хся до зела́, рыка́х от воздыха́ния се́рдца моего́. Го́споди, пред Тобо́ю все желáние моё и воздыхáние моё от Тебе́ не утайся. Се́рдце моё смяте́ся, оста́ви мя си́ла моя́, и свет очию́ моею́, и той несть со мно́ю. Друзи́ мой и и́скреннии мой́ прямо́ мне прибли́жишася и ста́ша, и бли́жнии мой́ отдалéче мене́ ста́ша и нужда́хуся и́щущи ду́шу мою́, и и́щущи злáя мне глаго́лаху суетная́ и льсти́вным весь день поучáхуся. Аз же я́ко глух не слы́шах и я́ко нем не отверза́я уст своих. И бых я́ко человек не слы́шай и не имы́й во устéх своих обли́чения. Я́ко на Тя, Го́споди, упова́х, Ты услы́шиши, Го́споди Бо́же мой. Я́ко рех: да не когда́ пора́дуют ми ся врази́ мой: и внегда́ подвижа́тися нога́м

моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу и попекуся о гресе моем. Вразі же мой живут и укрепішася паче мене, и умножишася ненавидящими мя без правды. Воздающими ми злая возлагая оболгашу мя, зане гонях благостію. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пуста и непроходна, и безводна. Тако во святем явхся Тебе, видети силу Твою и славу Твою. Яко лучши милость Твоя паче живот, устны мои похваляю Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнами радости восхвалят Тя уста мои. Аще поминах Тя на постели моей, на утренних поучахся в Тя. Яко был еси помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все исказа душу мою, внидут в преисподняя земли, предадутся в руки оружия, части лисовом будут. Царь же возвеселится о Боже, похвалится всяк кленыйся Им, яко заградилася уста глаголющих неправедная.

На утренних поучахся в Тя, яко был еси Помощник мой, и в крове крилу Твоею возрадуюся.

Прильпе душа моя по Тебе, мене же прият десница Твоя.

Слава Отцу, и Сыну, и Святому Духу, и ныне, и присно, и во веки веков. Аминь.

Аллилуия, аллилуия, аллилуия, слава Тебе, Боже. *(Трижды, без поклонов)*

Господи помилуй *(трижды)*.

Слава Отцу, и Сыну, и Святому Духу, и ныне, и присно, и во веки веков. Аминь.

Священник выходит из алтаря северной дверью и с непокрытой головой перед Царскими вратами тайно читает 12 утренних молитв.

Псалом 87

Господи Боже спасения моего, во дни воззвах, и в нощи пред Тобою. Да внидет пред Тя молитва моя: приклони ухо Твое к молению моему, яко

исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша. Положиша мя в роуе преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рече мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отрееши душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гнѣви Твои, устрашения Твоя возмутisha мя, обидоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни возвах и в нощи пред Тобою. Да внидет пред Тя молитва моя, приклони ухо Твое к молению моему.

Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Творяй милостины Господь, и судьбу всем обидимым. Сказа пути Своя Моисею-ви, сыновом Израилевым хотения Своя: щедр и милостив Господь, долготерпелив и многомилостив. Не до конца прогневается, ниже во век враждует, не по беззаконию нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят восточцы от запад, удалил есть от нас беззакония наша. Якоже щедрит отец сыны, ущедрит Господь боящихся Его. Яко Той позна создание наше, помяну, яко персть есмы. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы

Его́, слуги́ Его́, творя́щи волю́ Его́. Благослови́те Го́спода вся дела́ Его́, на вся́ком ме́сте влады́чества Его́, благослови́, душе́ моя́, Го́спода.

На вся́ком ме́сте влады́чества Его́, благослови́, душе́ моя́, Го́спода.

Псалом 142

Го́споди, услы́ши моли́тву мою́, внуши́ моле́ние моё во и́стине Твое́й, услы́ши мя в пра́вде Твое́й и не вни́ди в суд с рабо́м Твои́м, я́ко не оправди́тся пред Тобо́ю вся́к живы́й. Я́ко погна́ враг ду́шу мою́, смири́л есть в зе́млю живо́т мой, посади́л мя есть в те́мных, я́ко ме́ртвыя ве́ка. И уны́ во мне дух мой, во мне смяте́ся се́рдце моё. Помяну́х дни дре́вния, поучи́хся во всех де́лах Твои́х, в творе́ниях руку́ Твое́ю поуча́хся. Возде́х к Тебе́ ру́це мой, душа́ моя́, я́ко земля́ безво́дная Тебе́. Ско́ро услы́ши мя, Го́споди, исче́зет дух мой, не отврати́ лица́ Твоего́ от мене́, и уподо́блюся низходя́щим в ров. Слы́шану сотвори́ мне за́втра ми́лость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Го́споди, к Тебе́ прибе́гох. Научи́ мя твори́ти волю́ Твою́, я́ко Ты еси́ Бог мой. Дух Твой благи́й наста́вит мя на зе́млю пра́ву. Имене́ Твоего́ ра́ди, Го́споди, живи́ши мя, пра́вдою Твое́ю изведе́ши от печа́ли ду́шу мою́. И ми́лостию Твое́ю потреби́ши враги́ моя́ и погуби́ши вся стужа́ющыя души́ моёй, я́ко аз раб Твой есмь.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Дух Твой Благи́й наста́вит мя на зе́млю пра́ву.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. **(Трижды)**

Ектения великая

Диакон: Ми́ром Го́споду помо́лимся.

Лик: Го́споди, поми́луй **(на каждое прошение).**

Диакон: О свѣ́шнем ми́ре и спасе́нии душ на́ших, Го́споду помо́лимся.

Диакон: О ми́ре всего́ ми́ра, благостоя́нии святы́х Бо́жиих церкве́й и соедине́нии всех, Го́споду помо́лимся.

Диакон: О святе́м хра́ме сем и с ве́рою, благоговѣ́нием и стра́хом Бо́жиим входя́щих в онь, Го́споду помо́лимся.

Диакон: О Вели́ком Госпо́дине и отце́ на́шем, Святе́йшем Патри́архе Кири́лле, честне́м пресви́терстве, во Христе́ диа́констве и о всем при́чте и лю́дех, Го́споду помо́лимся.

Диакон: О Богохрани́мей стране́ на́шей, власте́х и во́инстве ея́, Го́споду помо́лимся.

Диакон: О гра́де сем, вся́ком гра́де, стране́ и ве́рою живу́щих в ни́х, Го́споду помо́лимся.

Диакон: О бла́горастворе́нии возду́хов, о изоби́лии плодо́в земны́х и вре́менех ми́рных, Го́споду помо́лимся.

Диакон: О пла́вающих, путеше́ствующих, недугующих, стра́ждущих, пленённых и о спасе́нии их, Го́споду помо́лимся.

Диакон: О изба́виться нам от вся́кия ско́рби, гне́ва и ну́жды, Го́споду помо́лимся.

Диакон: Заступи́, спаси́, помилуй и сохрани́ нас, Бо́же, Твое́ю благода́тию.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Яко подоба́ет Тебе́ вся́кая сла́ва, честь и поклонё́ние, Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Лик: Ами́нь.

«Бог Господь»

Диакон: Бог Госпо́дь, и яви́ся нам, благослове́н Гряды́й во имя Госпо́дне.

И поем во глас 2 на каждый стих: Бог Госпо́дь, и яви́ся нам, благослове́н Гряды́й во имя Госпо́дне.

Стих 1: Испове́дайтесь Го́сподеви, я́ко Благ, я́ко в век ми́лость Его.

Стих 2: Обыше́дше обыдо́ша мя, и и́менем Госпо́дним противля́хся им.

Стих 3: Не умру́, но жив бу́ду, и пове́м дела́ Госпо́дня.

Стих 4: Ка́мень, Егóже небрего́ша зи́ждущии, Сей бысть во главу́ у́гла, от Го́спода бысть Сей, и есть дивен во очесе́х на́ших.

Тропари

Глас 2: Егда́ снизше́л еси́ к сме́рти, Животе́ Безсме́ртный,/ тогда́ ад умертви́л еси́ блиста́нием Божества́:/ егда́ же и умерши́я от преиспо́дных воскреси́л еси́,/ вся́ си́лы небе́сныя взыва́ху:// Жизнода́вче, Христэ́ Бо́же на́ш, сла́ва Тебе́. **(Дважды)**

Сла́ва Отцу́, и Сы́ну, и Свято́му Ду́ху.

Тропарь прпп. Исаакия, Далмата и Фавста

Глас 4: Бо́же оте́ц на́ших,/ творя́й прісно́ с на́ми по Твое́й крото́сти,/ не отста́ви ми́лость Твою́ от нас,/ но моли́твами их/ в ми́ре упра́ви живо́т наш.

И ны́не, и прісно́, и во ве́ки веко́в. Ами́нь.

Глас 4: Ё́же от ве́ка утае́нное/ и А́нгелом несве́домое та́инство,/ Тобо́ю, Богоро́дице, су́щим на земли́ яви́ся Бог,/ в неслі́тном соедине́нии воплоща́ем,/ и, Крест во́лею нас ра́ди воспри́йм,/ ѿмже воскресі́в перво́зданнаго,// спасе́ от сме́рти ду́ши на́ша.

Лик: Го́споди, поми́луй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прісно́, и во ве́ки веко́в. Ами́нь.

Кафизма 2

Псалом 10

На Го́спода упова́х, ка́ко рече́те душі́ мое́й: превита́й по гора́м, я́ко пти́ца? Я́ко се, грѣшницы наляко́ша лук, угото́ваша стрѣлы в ту́ле, состре́ляти во мра́це пра́выя се́рдцем. Зане́ я́же Ты соверши́л еси́, о́ни разруши́ша, пра́ведник же что сотвори́? Госпо́дь во хра́ме святе́м Своём. Госпо́дь,

на небесі престолъ Егѡ, ѡчи Егѡ на нищаго призираете, вѣжди Егѡ испытаете сыны человѣческія. Господь испытаетъ праведнаго и нечестиваго, любяй же неправду ненавидитъ свою душу. Одождѣтъ на грѣшники сѣти, огонь и жупелъ, и дух буренъ часть чаши ихъ. Яко праведенъ Господь, и правды возлюбѣ, правоты вѣде лице Егѡ.

Чтецъ: Слава Отцу и Сыну и Святому Духу.

Ликъ: И нынѣ и присно, и во вѣки вѣковъ. Аминь. Аллилуиа, аллилуиа, аллилуиа, слава Тебѣ Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтецъ: И нынѣ и присно, и во вѣки вѣковъ. Аминь.

Псалом 12

Докѡле, Господи, забудеши мя до конца? Докѡле отвращаеши лице Твое от мене? Докѡле положу советы в души моей, болѣзни в сердце моемъ день и ночь? Докѡле вознесется врагъ мой на мя? Призри, услыши мя, Господи Боже мой, просвети очи мои, да не когда усну в смерть, да не когда речетъ врагъ мой, укрепихся на него. Стужающіи ми возрадуются, аще подвижуся. Азъ же на милость Твою уповахъ, возрадуется сердце мое о спасеніи Твоемъ, воспою Господеви благодеявшему мне и пою имени Господа Вышняго.

Чтецъ: Слава Отцу и Сыну и Святому Духу.

Ликъ: И нынѣ и присно, и во вѣки вѣковъ. Аминь. Аллилуиа, аллилуиа, аллилуиа, слава Тебѣ Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтецъ: И нынѣ и присно, и во вѣки вѣковъ. Аминь.

Псалом 14

Господи, кто обитаетъ в жилищи Твоемъ? Или кто вселится во святую гору Твою? Ходяй непороченъ и дѣлаяй правду, глаголяй истину в сердце своемъ. Иже не ульсти языкомъ своимъ и не сотвори искреннему своему зла, и поношенія не пріятъ на ближнія своя. Уничужденъ есть предъ нимъ лукавнуй, боящіяся же сѧ Господа славятъ, кленѣйся искреннему своему и не отметаѣяся. Сребра своего не даде въ лѣхву и мзды на неповинныхъ не пріятъ. Творяй сѧ не подвижится во векъ.

Чтец: Сла́ва Отцу́ и Сы́ну и Свято́му Ду́ху, и ны́не и прісно, и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Ектения малая

Диакон: Па́ки и па́ки, міром Го́споду помо́лимся.

Лик: Го́споди, поми́луй.

Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Священник: Я́ко Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и прісно, и во ве́ки веко́в.

Лик: Ами́нь.

Седален по 1-ом стихословии

Благообра́зный Ио́сиф, с дре́ва снём Пречи́стое Твое́ те́ло, плащани́цею чи́стою обви́в, и благоуха́ньми во грóбе но́ве закрыв́ положі́: но тридне́вен воскрeсл еси́, Го́споди, пода́я мірови ве́лию ми́лость.

Стих: Воскресни́, Го́споди Бо́же мой, да вознесётся рука́ Твоя́, не забуди́ убо́гих Твои́х до конца́.

Миронóсицам жена́м при грóбе предста́в а́нгел вопия́ше: ми́ра ме́ртвым су́ть прилічна, Христо́с же ислéния яви́ся чу́ждь. Но возопи́йте: воскрeсе Госпо́дь, пода́я мірови ве́лию ми́лость.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Вся па́че смы́сла, / вся пресла́вная Твоя́, Богоро́дице, та́инства, / чистоте́ запеча́танной и де́вству храни́му, / Ма́ти позна́лася еси́ нелóжна, / Бо́га ро́ждши И́стиннаго. / Того́ моли́ спастися душа́м на́шим.

Лик: Гóсподи, помíлуй. **(Трижды)** Сла́ва Отцú и Сы́ну и Свя-
то́му Дúху.

Чтец: И ны́не и прíсно, и во ве́ки веко́в. Ами́нь.

Кафизма 3

Псалом 19

Услы́шит тя Госпо́дь в день печа́ли, защíтит тя íмя Бо́га Иа́ковля. По́слет
ти по́мощь от Свята́го и от Си́она заступит тя. Помяне́т всяку жéртву
твою́, и всесо́жжение твоё ту́чно бу́ди. Даст ти Госпо́дь по се́рдцу твоёмú
и весь сове́т твой испо́лнит. Возра́дуемся о спасéнии твоём и во íмя
Го́спода Бо́га на́шего возвели́чимся. Испо́лнит Госпо́дь вся проше́ния
твоя́. Ны́не позна́х, я́ко спасé Госпо́дь христá Своего́, услы́шит его́ с небе-
се́ свята́го Своего́, в си́лах спасéние десни́цы Его́. Си́и на колесни́цах, и
си́и на ко́нех, мы же во íмя Го́спода Бо́га на́шего призове́м. Ти́и спя́ти бы́-
ша и падо́ша, мы же воста́хом и испра́вихомся. Го́споди, спаси́ царя́ и
услы́ши ны, во́ньже а́ще день призове́м Тя.

Чтец: Сла́ва Отцú и Сы́ну и Свято́му Дúху.

Лик: И ны́не и прíсно, и во ве́ки веко́в. Ами́нь. Аллилу́иа,
аллилу́иа, аллилу́иа, сла́ва Тебе́ Бо́же. **(Трижды)** Го́споди,
помíлуй. **(Трижды)** Сла́ва Отцú и Сы́ну и Свято́му Дúху.

Чтец: И ны́не и прíсно, и во ве́ки веко́в. Ами́нь.

Псалом 22

Госпо́дь пасéт мя, и ничто́же мя лишíт. На ме́сте зла́чне, та́мо всели́ мя,
на воде́ поко́йне воспита́ мя. Ду́шу мою́ обрати́, наста́ви мя на стези́
пра́вды, íмене ра́ди Своего́. А́ще бо и пойду́ посреде́ сени́ сме́ртныя, не
убою́ся зла, я́ко Ты со мно́ю еси́, жезл Твой и па́лица Твоя́, та мя
утéшиста. Угото́вал еси́ предо мно́ю трапéзу сопроти́в стужа́ющим мне,
ума́стил еси́ еле́ом главу́ мою́, и ча́ша Твоя́ упоява́ющи мя, я́ко держа́вна.
И ми́лость Твоя́ поженéт мя вся дни живота́ моего́, и е́же вселíти ми ся в
дом Госпо́день, в долготу́ дней.

Чтец: Сла́ва Отцú и Сы́ну и Свято́му Дúху.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 23

Господня земля, и исполнение ея, вселенная и вси живущии на ней. Той на морях основал ю есть, и на реках уготовал ю есть. Кто взыдет на гору Господню? или кто станет на месте святем Его? Неповинен руками и чист сердцем, иже не прият всеу душу свою, и не клятятся лестию искреннему своему. Сей примет благословение от Господа, и милостыню от Бога, Спаса своего. Сей род ищущих Господа, ищущих лице Бога Иаковля. Возмите врата князи ваша, и возмיתесь врата вечная, и внидет Царь Славы. Кто есть сей Царь Славы? Господь крепок и силен, Господь силен в брани. Возмите врата князи ваша, и возмיתесь врата вечная, и внидет Царь Славы. Кто есть сей Царь Славы? Господь Сил, Той есть Царь Славы.

Чтец: Слава Отцу и Сыну и Святому Духу, и ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. **(Трижды)**

Ектения малая

Диакон: Паки и паки, миром Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Седален по 2-ом стихословии

Камень гробный запечатати не возбранив, камень веры воскрес подал еси всем, Господи, слава Тебе.

Стих: Исповемся Тебе, Господи, всем сердцем моим, повею вся чудеса Твоя.

Учеников Твоих лик с мироносицами женами радуется согласно: общий бо праздник с ними празднуют, в славу и честь Твоего Воскресения. И теми вопием Ти, Человеколюбче Господи: людям Твоим подаждь велию милость.

Слава Отцу, и Сыну, и Святому Духу, и ныне, и присно, и во веки веков. Аминь.

Преблагословенна еси, Богородице Дево, воплощшим бо ся из тебе ад пленися, Адам возвася, клятва потребися, Ева свободися, смерть умертвися, и мы оживом. Тем воспевающе вопием: благословен Христос Бог благоволивый тако, слава Тебе.

Полиелей

Псалом 134

Лик: Хвалите имя Господне, хвалите, рабы Господа.

Припев: Аллилуия *(трижды)*. Благословен Господь от Сиона, живый во Иерусалиме. **Припев:** Аллилуия *(трижды)*.

Исповедайтесь Господеви, яко благ, яко в век милость Его.

Припев: Аллилуия *(трижды)*.

Исповедайтесь Богу Небесному, яко в век милость Его.

Припев: Аллилуия *(трижды)*.

Во время пения полиелея духовенство выходит царскими вратами в центр храма.

Далее духовенство (священник в предшестве диакона) совершает полное каждение храма, начиная с центрального анаоя.

Тропари воскресны, поемья по Непорочнах, глас 5

Благословен еси, Господи, научи мя оправданием Твоим.

А́нгельский собо́р удиви́ся,/ зря́ Тебе́ в ме́ртвых
вмени́вшася,/ сме́ртную же, Спа́се, кре́пость разори́вша,/ и с
Собо́ю Ада́ма воздви́гша,// и от а́да вся свобо́ждша.

Благослове́н еси́, Го́споди, научи́ мя оправда́нием Твои́м.

Почто́ ми́ра с ми́лостивными слеза́ми,/ о учени́цы,
растворя́ете?/ Блиста́йся во грóбе А́нгел миронóсицам
веща́ше:/ ви́дите вы гроб и уразуме́йте,// Спас бо воскресе́
от грóба.

Благослове́н еси́, Го́споди, научи́ мя оправда́нием Твои́м.

Зело́ ра́но миронóсицы теча́ху/ ко грóбу Твоему́
рыда́ющая,/ но предста́ к ним А́нгел и рече́:/ рыда́ния вре́мя
преста́, не пла́чите,// воскресе́ние же апо́столом рцы́те.

Благослове́н еси́, Го́споди, научи́ мя оправда́нием Твои́м.

Миронóсицы жены́ с ми́ры пришéдшия/ ко грóбу Твоему́,
Спа́се, рыда́ху,/ А́нгел же к ним рече́, глаго́ля:/ что с
ме́ртвыми жива́го помышля́ете?// Яко Бог бо, воскресе́ от
грóба.

Сла́ва Отцу́, и Сы́ну, и Свято́му Ду́ху.

Покло́нимся Отцу́/ и Егó Сы́нови, и Свято́му Ду́ху,/ Святе́й
Тро́ице во еди́ном существе́,/ с Серафи́мы зову́ще:// Свят,
Свят, Свят еси́, Го́споди.

И ны́не, и прісно, и во ве́ки веко́в. Ами́нь.

Жизнода́вца ро́ждши,/ греха́, Де́во, Ада́ма изба́вила еси́,/ ра́дость же Ё́ве/ в печа́ли ме́сто пода́ла еси́,/ па́дшия же от жи́зни/ к сей напра́ви// из Тебе́ воплоти́выйся Бог и Чело́век. Аллилу́ия, Аллилу́ия, Аллилу́ия, сла́ва Тебе́, Бо́же (Трижды).

Малая ектения

Диакон: Па́ки и па́ки ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагослове́нную, Сла́вную Влады́чицу нашу Богоро́дицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко благослови́ся и́мя Твое́ и просла́вится Ца́рство Твое́, Отца́, и Сы́на, и Свята́го Ду́ха, ны́не и при́сно, и во ве́ки веко́в.

Лик: Ами́нь.

Седа́льны

Ипакои, глас 2: По стра́сти шед́ша во грóб жены́, во е́же пома́зати те́ло Твое́ Христé Бо́же, ви́деша а́нгелы во грóбе, и ужасо́шася: глас бо слы́шаху от ни́х, я́ко воскресе́ Господь, да́руя ми́рови ве́лию ми́лость.

"Степенны" антифоны, глас 2

Антифон 1:

На Не́бо о́чи пу́щаю моего́ се́рдца,/ к Тебе́, Спа́се;// спаси́ мя Твои́м осия́нием.

Помилуй нас, согрешающих Тебѣ/ мно́го на всякий час,/ о
Христѣ мой,// и даждь образ прѣжде конца покаяться Тебѣ.

Сла́ва Отцу́ и Сы́ну и Свято́му Ду́ху. И ны́не и прісно и во
ве́ки веко́в. Ами́нь.

Свято́му Ду́ху/ е́же ца́рствовати подоба́ет,/ освяща́ти,
подвиза́ти тварь:// Бог бо есть, Единосу́щен Отцу́ и Сло́ву.

Чтение Евангелия

Диакон: Во́нмем. Прему́дрость. Во́нмем.

Прокимен воскресный, глас 2

Диакон: Прокимен, глас 2: Воста́ни, Го́споди Бо́же мой, повеле́нием, їмже за-
пове́дал еси́,/ и сонм люде́й обы́дет Тя.

Лик: Воста́ни, Го́споди Бо́же мой, повеле́нием, їмже запове́-
дал еси́,/ и сонм люде́й обы́дет Тя.

Диакон: Го́споди Бо́же мой, на Тя упова́х, спаси́ мя.

Лик: Воста́ни, Го́споди Бо́же мой, повеле́нием, їмже запове́-
дал еси́,/ и сонм люде́й обы́дет Тя.

Диакон: Воста́ни, Го́споди Бо́же мой, повеле́нием, їмже запове́дал еси́,

Лик: и сонм люде́й обы́дет Тя.

Диакон: Го́споду помо́лимся.

Лик: Го́споди, помилуй.

Молитва перед чтением Евангелия

Священник: Я́ко свят еси́, Бо́же наш, и во святы́х почи́ваеши, и Тебе́ сла́ву
возсыла́ем. Отцу́ и Сы́ну и Свято́му Ду́ху, ны́не и прісно и во ве́ки веко́в.

Лик: Ами́нь.

Диакон: Всякое дыха́ние/ да хва́лит Го́спода.

Лик: Всякое дыха́ние/ да хва́лит Го́спода.

Диакон: Хвалите Бóга во святых Его, хвалите Его в утвержении силы Его.

Лик: Всякое дыхáние/ да хвáлит Гóспода.

Диакон: Всякое дыхáние

Лик: да хвáлит Гóспода.

Диакон: И о сподóбится нам слы́шанию свята́го Евáнгелия Гóспода Бóга мо́лим.

Лик: Гóсподи, помíлуй (*трижды*).

Диакон: Премудрость, прóсти! Услы́шим свята́го Евáнгелия.

Священник: Мир всем.

Лик: И дýхови твоemú.

Диакон: От Иоáнна свята́го Евáнгелия чтéние.

Лик: Сла́ва Тебе́, Гóсподи, сла́ва Тебе́.

Священник: Во́нмем.

Евангелие от Иоанна, зачало 67. (Ин.21:15-25)

Во вре́мя о́но, яви́ся Иису́с ученико́м Свои́м, воста́в от ме́ртвых. И глаго́ла Си́мону Петро́у: Си́моне Ио́нин, лю́биши ли Мя па́че сих? Глаго́ла Ему́: ей, Гóсподи, Ты ве́си, я́ко люблю́ Тя. Глаго́ла ему́: паси́ а́гнцы Моя́. Глаго́ла ему́ па́ки второ́е: Си́моне Ио́нин, лю́биши ли Мя? Глаго́ла ему́: ей, Гóсподи, Ты ве́си, я́ко люблю́ Тя. Глаго́ла ему́: паси́ о́вцы Моя́. Глаго́ла ему́ тре́тие: Си́моне Ио́нин, лю́биши ли Мя? Оскорбе́ же Петр, я́ко рече́ ему́ тре́тие, лю́биши ли Мя; и глаго́ла Ему́: Гóсподи, Ты вся ве́си, Ты ве́си, я́ко люблю́ Тя. Глаго́ла ему́ Иису́с: паси́ о́вцы Моя́. Ами́нь, ами́нь, глаго́лю тебе́, егда́ бе юн, поя́сашеся сам, и хождáше, а́може хотя́ше, егда́ же состаре́ешися и возде́жеши ру́це твои́, и ин тя поя́шет, и веде́т, а́може не хо́щеши. Си́е же рече́, назна́менуя, ко́ею сме́ртию просла́вит Бóга. И сия́ рек, глаго́ла ему́: иди́ по Мне. Обраще́ся же Петр, ви́де ученика́, е́гоже любля́ше Иису́с, во след идúща, и́же и возле́же на ве́чера на пе́рси Его́, и рече́: Гóсподи, кто е́сть преда́й Тя? Сего́ ви́дев Петр, глаго́ла Иису́сови: Гóсподи, сей же что? Глаго́ла ему́ Иису́с: а́ще хо́щú, да той пребы́вает, до́ндеже приидú, что к тебе́? Ты по Мне гряди́. Изы́де же сло́во се в бра́тию, я́ко учени́к той не у́мрет, и не рече́ ему́ Иису́с, я́ко не у́мрет, но а́ще хо́щú то́му пребы́вати, до́ндеже приидú, что к тебе́? Сей е́сть учени́к свиде́тельствующий о сих, и́же и написа́ сия́, и ве́м, я́ко и́стинно е́сть свиде́тельство его́. Су́ть же и и́на мно́га, я́же сотвори́ Иису́с, я́же а́ще по е́диному пи́сана быва́ют, ни само́му мно́у все́му ми́ру вме́стити пи́шемых книг. Ами́нь.

Лик: Сла́ва Тебе́, Гóсподи, сла́ва Тебе́.

Воскресная песнь после Евангелия

Воскресе́ние Христо́во ви́девше,/ поклоні́мся Свято́му
Го́споду Иисúсу,/ еди́ному безгре́шному./ Кресту́ Твоему́
покланя́емся, Христé,/ и свято́е Воскресе́ние Твое́ поём и
сла́вим:/ Ты бо еси́ Бог наш,/ ра́зве Тебе́ ино́го не зна́ем,/
и́мя Твое́ именúем./ Прииді́те вси ве́рнии,/ поклоні́мся
Свято́му Христо́ву Воскресе́нию:/ се бо при́де кресто́м
ра́дость все́му мі́ру./ Всегда́ благословя́ще Го́спода,/ поём
Воскресе́ние Егó:/ распя́тие бо претерпе́в,// сме́ртию смерть
разруши́.

Здесь может быть чтение 50 псалма «Помилуй мя, Боже» но в приходской традиции чаще опускается

Стихиры по 50 псалме

Глас 6: Сла́ва Отцу́, и Сы́ну, и Свято́му Ду́ху.

Моли́твами Апосто́лов,/ Ми́лостиве, очисти́// мно́жества
согреше́ний на́ших.

И ны́не, и прі́сно, и во ве́ки веко́в. Ами́нь.

Моли́твами Богоро́дицы,/ Ми́лостиве, очисти́// мно́жества
согреше́ний на́ших.

Воскрéс Иисúс от грóба,/ я́коже прорече́,/ даде́ на́м живо́т
ве́чный// и ве́лию ми́лость.

Диакон: Спаси́, Бо́же, лю́ди Твоя́ и благослови́ досто́яние Твое́...

Лик: Го́споди, поми́луй **(12 раз)**.

Возглас: Ми́лостию и щедро́тами и человеколю́бием Единоро́днаго Твоегó Сы́на, с Ни́мже благослове́н еси́, со Пресвяты́м, и Благо́м, и Животворя́щим Твои́м Ду́хом, ны́не и прі́сно, и во ве́ки веко́в.

Лик: Амѣнь.

На практике во время канона совершается помазание елеем при целовании иконы праздника (в воскресенье — Евангелия на центральном аналое). Однако по Уставу данное помазание полагается совершать после отпуста утрени.

Канон

Песнь 1

Канонъ воскресен. Глас 2.

Ирмос, глас 2: Во глубинѣ постлѣ иногда,/ фараонѣтское
всѣоинство преоруженная сила,/ воплощенное же Слово
всезлѣбный грѣх потребило естъ,/ препрославленный
Господь,// славно бо прославися.

Припев: Слава, Господи, святому воскресению Твоему.

Мирскій князь, Блаже, емуже написахомся, заповѣди Твоея не
послушавше, крестомъ Твоимъ осудися: приразися бо Ты яко смертну:
отпадѣ же власти Твоея державою, и немощный обличися.

Канонъ крестовоскресен. Глас 2. На 1.

Припев: Слава, Господи, Кресту Твоему честному и воскресению.

Сила немощныхъ, Воскресение падшихъ, и нетлѣние умершихъ былъ еси,
Христѣ, плоти Твоея страстию: яко прославися.

Канонъ Богородицы (в Недѣлю). Глас 2.

Припев: Пресвятая Богородице, спаси насъ.

Невещественная древле лѣствица и странно оляденѣвший путь моря/
Твое являше Рождество, Чистая,/ Юже поемъ вси, яко прославися.

Канонъ преподобныхъ отцевъ Исаакия, Далмата и Фавста. Глас 8.

Припев: Преподобнии отцы, молитѣ Бога о насъ.

Свету Божественному светло предстояще, и трисолнечныя заріи всегда
наполняеми,/ и причастиемъ истиннымъ обожаеми, блаженнии,/ верою
празднующія вашу памятьъ всесвященную,/ Господевѣ поющія,
божественно озарите.

Припев: Преподобнии отцы, молитѣ Бога о насъ.

Смотряюще на едина пребывающая, текущих стремления всяко отринусте/ и, всем умом Господеви прилепляющеся,/ оставивше плотския сласти, отцы вселеннии,/ темже к невечерней заре преставистесь.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 8: Крест начертав, Моисей/ впрямое жезлом Чермное пресечё/ Израилью пешеходящу;/ тоже обратно фараоновым колесницам,/ ударив, совокупи,/ вопреки написав непобедимое оружие.// Тем Христу поим, Богу нашему, яко прославися.

Песнь 3

Канон воскресен. Глас 2.

Ирмос, глас 2: Процвела есть пустыня, яко крин, Господи,/ языческая неплодящая церковь,/ пришествием Твоим,// в нейже утвердися мое сердце.

Припев: Слава, Господи, святому воскресению Твоему.

Тварь в страсти Твоей изменяшеся, зрящи Тя в нищетном образе от беззаконных поругаема, основавшего вся Божественным мановением.

Канон крестовоскресен. Глас 2. На 1.

Припев: Слава, Господи, Кресту Твоему честному и воскресению.

Иже всех вышши Христос, умалися малым чим, страстию плотскою, ангельского естества.

Канон Богородицы (в Неделю). Глас 2.

Припев: Пресвятая Богородице, спаси нас.

Иже времени превышший всякого,/ яко времен Творец, из Тебе, Дево, волею Младенец создася.

Канон преподобных отцов Исаакия, Далмата и Фавста. Глас 8.

Припев: Преподобнии отцы, молитесь Бога о нас.

Нелестную ты звезду востока, преподобне отче, устремившася, Исаакие, вси познахом,/ горькую ересей потребляюща тьму/ и верныя словеси твоими просвещающа.

Припев: Преподобнии отцы, молитв Бoga о нас.

Разумно возсияв чистыми сияньми, Фавсте, подвиг твоих, отче, свет был еси,/ просвещая вся, зрящая тя, блаженне,/ и верно житию твоему последующия.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 8: Жезл во образ тайны приемлется,/ прозябением бо предразсуждает священника;/ неплодящей же прежде Церкви/ ныне процветет Древо Креста// в державу и утверждение.

Ектения малая

Диакон: Паки и паки, миром Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Кондаки

Кондак прпп. Исаа́кия, Далма́та и Фавста

Глас 2: Пощёнием возсиявша, яко свети́ла,/ и е́реси разврати́вша ве́рою,/ пе́сньми Исаа́кия восхва́лим и с Далма́том Фа́вста,/ яко Христо́вы уго́дники,/ Того́ моля́щия о всех нас.

Икос: Кто доволе́н от челове́к изреши́ преподо́бных оте́ц све́тлыя добродётели,/ и по́двиги, и труды́, ре́вность Божёственную,/ дерзнове́ние чи́стое жити́я, Божёственная дея́ния,/ яже на земли́ соверши́ша си́и, яко А́нгели?/ Но, оба́че сия́ чту́ще, Тро́ицу ве́рно воспоём:/ ти́и бо, Той све́тло со а́нгельскими ли́ки предстоя́ще,/ при́сно мо́лят о всех нас.

Седален

Све́том Тро́йческим све́тло осия́вшеся, отцы́, светови́дно,/ тьму оста́viste сласте́й глубо́кую/ и свети́льницы де́лы Божёственными, просвеща́юще ве́рных серде́ц, блаже́ннии, яви́стеся./ Те́мже светonóсную и честну́ю ва́шу па́мь почита́ем днесь и согла́сно зыва́ем:/ Богоно́снии пребога́тии, мо́лите Христа́ Бо́га согреше́ний оставле́ние дарова́ти/ чту́щим лю́бовию святу́ю па́мь ва́шу.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в. Ами́нь.

Яко Де́ву и еди́ну в жена́х, Тя, без се́мене ро́ждшую Бо́га плоти́ю,/ вси ублажа́ем, ро́ди челове́честии:/ Огнь бо всели́ся в Тя Божества́,/ и яко Младенца́ млеко́м пита́еши Зижди́теля и Го́спода./ Тем, А́нгельский и челове́ческий род, досто́йно сла́вим пресвято́е рождество́ Твое́/ и согла́сно вопие́м Ти:/ моли́ Христа́ Бо́га согреше́ний оставле́ние дарова́ти/ покланя́ющимся ве́рою пресвято́му рождеству́ Твоему́.

Песнь 4

Кано́н воскресе́н. Глас 2.

Ирмос, глас 2: Прише́л еси́ от Де́вы, не ходата́й, ни а́нгел,/ но Са́м, Го́споди, вопло́щься,/ и спа́сл еси́ всего́ мя челове́ка./ Те́м зову́ Ти:// сла́ва си́ле Твое́й, Го́споди.

Припев: Сла́ва, Го́споди, свято́му воскресе́нию Твоему́.

Предстоиши судищу яко судимъ, Бóже мой, не вопия, Владыко, суд износѣ языкомъ: имже страстию Твоею, Христѣ, вселенней содѣлал еси спасение.

Канон крестовоскресен. Глас 2. На 1.

Припев: Слава, Господи, Кресту Твоему честному и воскресению.

Видевши на древе Тя, Христѣ, пригвождена Дѣва, Яже неболѣзненно Тя рождающая, матерски болѣзни претерпѣ.

Канон Богородицы (в Недѣлю). Глас 2.

Припев: Пресвятая Богородице, спаси нас.

Се превознесѣся Божественная гора дому Господня превышше сил, Богоматерь явственнейши.

Канон преподобных отцев Исаакия, Далмата и Фавста. Глас 8.

Припев: Преподобнии отцы, молитѣ Бóга о нас.

Яко многоплодны лóзы истиннаго винограда бывше, вино источиша преподобнии чистое всем умиления.

Припев: Преподобнии отцы, молитѣ Бóга о нас.

Собору согласника, преподобне Далмате, вси ты познахом, благочестивыя утверждающа и гордыя отревающа.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 8: Услышах, Господи, смотрения Твоего таинство, разумех дела Твоя// и прославих Твое Божество.

Песнь 5

Канон воскресен. Глас 2.

Ирмос, глас 2: Ходатай Бóгу и человеком был еси, Христѣ Бóже:/ Тобою бо, Владыко, к Светоначальнику Отцу Твоему, от нощи неведения, приведение имамы.

Припев: Слава, Господи, святому воскресению Твоему.

Яко кедры, Христѣ, языков шатание сокрушил еси волею, Владыко: яко изволил еси на кипарисе, и на пѣвке, и кедре, плóтию совозвышаем.

Кано́н крестовоскрёсен. Глас 2. На 1.

Припев: Сла́ва, Го́споди, Кресту́ Твоему́ честно́му и воскресёнию.

Постѣти отвергѣйся Ада́м, вкуша́ет смертоно́снаго дре́ва пе́рвый: но сего́ грѣх потребля́ет, распѣйся Вто́рый.

Кано́н Богоро́дицы (в Неде́лю). Глас 2.

Припев: Пресвята́я Богоро́дице, спаси́ нас.

О́блацы, весе́лия сла́дость кро́пите су́щим на землі,/ я́ко Отроча́ даде́ся, Сый пре́жде век,/ от Де́вы вопло́щся, Бог наш.

Кано́н преподо́бных отце́в Исаа́кия, Далма́та и Фа́вста. Глас 8.

Припев: Преподо́бнии отцы́, моли́те Бо́га о нас.

Пресе́льник от восто́ка к Ца́рскому гра́ду был еси́/ и Божество́нным се́менем жи́тницу, сего́ умно́жил еси́,/ искорени́в всяк лука́вый А́риев вред, свяще́нне о́тче Исаа́кие.

Припев: Преподо́бнии отцы́, моли́те Бо́га о нас.

Учени́к Исаа́кию, я́коже Или́и Елиссѣ́й, был еси́, свяще́нне Далма́те,/ ми́лотию дарова́ний Ду́ха разделя́я во́ду лука́ваго де́монов вре́да/ и ве́рным управля́я путь.

Сла́ва Отцу́, и Сы́ну, и Свято́му Ду́ху, и ны́не, и прѣ́сно, и во ве́ки веко́в. Ами́нь.

Катавасия

Глас 8: О треблаже́нное Дре́во,/ на нёмже распя́ся Христос́, Царь и Госпо́дь,/ ѣмже паде́ дре́вом прельсти́вый,/ тобо́ю прельсти́вся,/ Бо́гу пригвозди́вшуся Плоти́ю,// пода́ющему мир душáм на́шим.

Песнь 6

Кано́н воскрёсен. Глас 2.

Ирмос, глас 2: В бе́здне грехо́вней валя́йся,/ неизсле́дную милосе́рдия Твоего́ призыва́ю бе́здну:// от тли́, Бо́же, мя возведи́.

Припев: Сла́ва, Го́споди, свято́му воскресёнию Твоему́.

Яко злодей Праведник осудися и со беззаконными на древе пригвоздися, повинным оставление Своёю даруя кровию.

Канон крестовоскрёсен. Глас 2. На 1.

Припев: Слава, Господи, Кресту Твоему честному и воскресению.

Блюстители положил еси падшему, Херувимы древа животного, но видевше Тя, двери отверзошася: явился бо еси путетворя разбойнику в рай.

Канон Богородицы (в Неделю). Глас 2.

Припев: Пресвятая Богородице, спаси нас.

Естество человеческое, работающее греху, Владычице Чистая, Тобою свободу улучи: Твой бо Сын, яко Агнец, за всех закаляется.

Канон преподобных отцев Исаакия, Далмата и Фавста. Глас 8.

Припев: Преподобнии отцы, молитесь Бога о нас.

Собеседник явился еси Ангелом, оных бо поревновал еси житию на земли, путь шествуя, Далмате, и воздержанием истневая тело твоё, наставниче монахов и правило воистинну известнейшее.

Припев: Преподобнии отцы, молитесь Бога о нас.

Ревностию Господни любве, якоже Илия, распаляемь, блаженне, яко Ахава, предстателя тьмы со дерзновением, Исаакие, обличил еси, недуговавши лукавою Ария безумного ересию.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 8: Водного зверя во утробе/ длани Иона крестовидно распростёр,/ спасительную Страсть проображаше яве./ Тем, триднёвен изшед,/ премирное воскресение прописаше/ Плотию пригвождённого Христа Бога// и триднёвным Воскресением мир просвещаго.

Ектения малая

Диакон: Паки и паки, миром Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Кондак

Глас 2: Воскресл еси от гроба, Всесильне Спасе, / и ад видево чудо, ужасеся, / и мертвии восташа: / тварь же видящи срадуется Тебе, / и Адам свеселится, // и мир, Спасе мой, воспевает Тя присно.

Икос: Ты еси Свет омраченным, Ты еси Воскресение всех, и Живот человеков, и всех совоскресил еси, смертную державу, Спасе, разорь, и адова врата сокрушивый, Слово: и мертвии видевшие чудо чудяхуся, и всяка тварь срадуется о Воскресении Твоем, Человеколюбче. Темже и вси славим и поем Твое снисхождение, и мир, Спасе мой, воспевает Тя присно.

Песнь 7

Канон воскресен. Глас 2.

Ирмос, глас 2: Богопротивное веление беззаконнующаго мучителя / высок пламень вознесло есть: / Христос же простре богочестивым отроком росу духовную, // Сый благословен, и препрославлен.

Припев: Слава, Господи, святому воскресению Твоему.

Не терпел еси, Владыко, за благоутробие смерти человека зрети мучима, но пришел и спасл еси Твоею кровию, человек быв: Сый благословен, и препрославлен Бог отец наших.

Канон крестовоскресен. Глас 2. На 1.

Припев: Слава, Господи, Кресту Твоему честному и воскресению.

Осуди праотца древле во Едеме преслушание: но волею судим бысть, преступльшему разрешая прегрешения, Пребожественный отецв Бог, и Препрославлен.

Канон Богородицы (в Неделю). Глас 2.

Припев: Пресвятая Богородице, спаси нас.

Зряше в нощи Иаков, убо яко в гадании,/ Бога, воплощенна же из Тебѣ,/ светлостию явися поющим:/ Пребожественный отецв Бог и препрославлен.

Канон преподобных отецв Исаакия, Далмата и Фавста. Глас 8.

Припев: Преподобнии отцы, молитѣ Бога о нас.

Углие явистеся, Божественным вжигаеми огнем Утешителя,/ поपालюще убо вещь злбную,/ верныя же просвещюще, Богоноснии, во веки.

Припев: Преподобнии отцы, молитѣ Бога о нас.

Тело умертвив пощением, покорил еси духу, Далмате,/ и злобу вражю потопил еси/ тучами душевных слез твоих, Богоносе, во веки.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 8: Безумное веление мучителя злочестиваго/ люди поколеба,/ дышущее прещение и злохуление богомерзкое;/ обаче три отроки не устраши ярость зверская,/ ни огонь снедаяй,/ но, противодышущу росоносному Духу,/ со огнем суще, пояху:// препетый отецв и нас Боже, благословен еси.

Песнь 8

Канон воскресен. Глас 2.

Ирмос, глас 2: Пещь иногда огненная в Вавилоне действия разделяше,/ Божиим велением халдеи опаляющая,/ верныя

**же орошающая, поющия:// благословите вся дела Господня
Господа.**

Припев: Слава, Господи, святому воскресению Твоему.

Кровию Твоею, Христэ, очервлено плоти Твоея зряще одеяние трепетом
ужасахуся мно́гому Твоему долготерпению, а́нгельстии ч́ини, зову́ще:
благословите вся дела Господня Господа.

Канон крестовоскрэсен. Глас 2. На 1.

Припев: Слава, Господи, Кресту Твоему честному и воскресению.

Виден был еси на кресте пригвождаем, Иже богаты́й в м́лости, во́лею
погреб́лся еси: и тридн́вно воскрэсл еси, и избавил еси́ вся челове́ки,
Человеколю́бче, ве́рою пою́щия: да поёт Го́спода вся тва́рь, и
превозно́сит во вся ве́ки.

Канон Богородицы (в Неделю). Глас 2.

Припев: Пресвятая Богородице, спаси нас.

Виден бысть на земли́ Тобо́ю и с челове́ки поживе́/ Иже б́лагостию
несравне́нный и си́лою./ Емуже́ пою́ще, вси ве́рнии, зове́м:/
осу́ществова́нная да поёт Го́спода вся тварь и превозно́сит во вся ве́ки.

Канон преподо́бных отце́в Исаа́кия, Далма́та и Фа́вста. Глас 8.

Припев: Преподо́бнии отцы́, моли́те Бо́га о нас.

Жезло́м крестным мо́ре страсте́й расто́ргше,/ всю фарао́на мýсленнаго
си́лу погуби́сте, преподо́бнии,/ и мона́хов мно́жество свяще́нное к земли́
безстра́стия,/ пою́ще Сего́ непреста́нно, спасо́сте, отцы́:/ о́троцы,
благослови́те, свяще́нницы, воспо́йте,/ лю́дие, превозно́сите во вся ве́ки.

Припев: Преподо́бнии отцы́, моли́те Бо́га о нас.

Ерети́чествующих возвыше́ние проявле́нно смири́л еси́,/ изда́леча
провиде́в тех разруше́ние,/ ни́щим помо́гл еси́ и вождь был еси́ слепы́х,/
ста́рости жезл и вдови́ц утеше́ние, Далма́те, взыва́я:/ о́троцы,
благослови́те, свяще́нницы, воспо́йте,/ лю́дие, превозно́сите во вся ве́ки.

Благослови́м Отца́ и Сы́на и Свята́го Ду́ха, Го́спода, и ны́не, и при́сно, и
во ве́ки веко́в. Ами́нь.

Припев: Хва́лим, благослови́м, покланя́емся Го́сподеви,
пою́ще и превозно́сюще во вся ве́ки.

Катавасия

Глас 8: Благословите, óтроцы,/ Трóицы равночísленнии,/ Содéтеля Отца́ Бóга,/ пóйте снизшédшее Сло́во,/ и огонь в рóсу претвóршее,/ и превозносите всем жизнь подава́ющего// Дúха Всесвята́го во вéки.

Диакон: Богорóдицу и Матéрь Свéта в пёснях возвеличим.

Песнь Пресвятыя Богородицы

Лик: Вели́чит душá Моя́ Гóспода, и возра́довася дух Мой о Бóзе Спа́се Моём.

Припев: Честнéйшую Херувím и слáвнейшую без сравнénия Серафím, без ислénия Бóга Сло́ва рóждшую, сúщую Богорóдицу, Тя велича́ем.

Яко призрé на смирénие Рабы́ Своея́, се бо от ны́не ублажа́т Мя вси рóди.

Припев: Честнéйшую Херувím и слáвнейшую без сравнénия Серафím, без ислénия Бóга Сло́ва рóждшую, сúщую Богорóдицу, Тя велича́ем.

Яко сотвори́ Мне вели́чие Сíльный, и свято́ íмя Егó, и мíлость Егó в рóды родóв боя́щимся Егó.

Припев: Честнéйшую Херувím и слáвнейшую без сравнénия Серафím, без ислénия Бóга Сло́ва рóждшую, сúщую Богорóдицу, Тя велича́ем.

Сотвори́ держа́ву мýшцею Своёю, расточи́ гóрдия мýслию сёрдца их.

Припев: Честнѣйшую Херувѣм и слáвнейшую без сравнѣния Серафѣм, без ислѣния Бóга Слóва рóждшую, сýщую Богорóдицу, Тя велича́ем.

Низложѣ сѣльныя со престóл, и вознесѣ смиренныя; áлчущия испóлни благ, и богатящияся отпустѣ тщи.

Припев: Честнѣйшую Херувѣм и слáвнейшую без сравнѣния Серафѣм, без ислѣния Бóга Слóва рóждшую, сýщую Богорóдицу, Тя велича́ем.

Восприят Израїля óтрока Своегó, помяну́ти мѣлости, я́коже глаго́ла ко отцѣм на́шим, Авраáму и сѣмени егó да́же до вѣка.

Припев: Честнѣйшую Херувѣм и слáвнейшую без сравнѣния Серафѣм, без ислѣния Бóга Слóва рóждшую, сýщую Богорóдицу, Тя велича́ем.

Песнь 9

Канóн воскрѣсен. Глас 2.

Ирмос, глас 2: Безначáльна Родѣтеля Сýн, Бóг и Госпóдь,/ вопло́щся от Дѣвы на́м явѣся,/ омрачѣнная просветѣти, собрати́ расточѣнная:// тѣм Всепѣтую Богорóдицу велича́ем.

Припев: Сла́ва, Гóсподи, свято́му воскресѣнию Твоемý.

Я́ко в рай насаждѣно на лóбнем, Спа́се, требогáтое дрѣво Твоегó пречѣстаго Крестá, крóвию и водóю Божѣственнойю, я́ко от истóчника Божѣственного, ребра́ Твоегó, Христѣ, напо́яемо, живóт на́м прозяблó есть.

Канóн крестовоскрѣсен. Глас 2. На 1.

Припев: Сла́ва, Гóсподи, Крестý Твоемý честнóму и воскресѣнию.

Посредѣ осужденных, яко Агнец возвышен был еси Христѣ, на крестѣ, на лобнем копием в ребро прободаемъ, живот даровал еси нам перстным яко Благ, верою чтущим Божественное Твое Воскресение.

Канон Богородицы (в Недѣлю). Глас 2.

Припев: Пресвятая Богородице, спаси нас.

Жезл крепости дадеся естеству тленному,/ Слово Божие во утробе Твоей, Чистая,/ и сие возстави, до ада попользшееся./ Темже Тя, Всечистая, яко Богородицу величаем.

Канон преподобных отцев Исаакия, Далмата и Фавста. Глас 8.

Припев: Преподобнии отцы, молитесь Бога о нас.

Возмогиша, силою Христовою укрепляеми,/ немощное шатание борца победити, небомудреннии, монахов начальницы,/ и, ныне красящиеся, преидоша к двором мысленным, радующеся.

Припев: Преподобнии отцы, молитесь Бога о нас.

Явитесь трисветлыя свещи, не вечернюю зарю испущающе,/ цвети неувядаеми райсти, благоухающе мысли верных, отцы требогатии./ Темже память вашу всепразднственную верно празднуем.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 8: Таин еси, Богородице, рай,/ невозделанно возрадивший Христа,/ Имже крестное животное на земли насадися Древо;/ тем, ныне возносиму,// поклоняющееся ему, Тя величаем.

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Ты еси Бог наш, и Тебе славу воссылаем, Отцу и Сыну, и Святому Духу, ныне и присно, и во веки веков.

Лик: Аминь.

Диакон возглашает, а хор повторяет трижды:

Диакон: Свят Господь Бог наш!

Лик: Свят Господь Бог наш!

Диакон: Яко свят Господь Бог наш!

Лик: Свят Господь Бог наш!

Диакон: Над всеми людьми Бог наш!

Лик: Свят Господь Бог наш!

Светильны

По Божественном востании, трижды Петра, любяши ли Мя, вопрошая Господь, Своих овец предлагает пастыреначальника: иже видя, егоже любляше Иисус, во след грядуща, вопрошаше Владыку: сей же что? Аще хочу, рече, пребывать сему, дондеже и паки прииду, что к тебе, друже Петре?

Слава Отцу, и Сыну, и Святому Духу, и ныне, и присно, и во веки веков. Аминь.

О страшное таинство, о преславное чудо! Смертию смерть всеконечно погублена бысть. Кто убо не воспоет? И кто не поклонится Твоему воскресению, Слове, и чисто рождшей Тя плотию Богородице? Еяже молитвами, всех геенны избави.

Стихиры на хвалитех

Канонарх: Глас 2, Всякое дыхание да хвалит Господа

Лик: Всякое дыхание да хвалит Господа. Хвалите Господа с Небес, хвалите Его в вышних. Тебе подобает песнь Богу.

Хваліте Егó, вси Ангели Егó, хваліте Егó, вся Сілы Егó. Тебé подобáет песнь Бóгу.

Стих: Сотворіти в них суд напісан,/ сла́ва сія́ бۇдет всем преподо́бным Его.

Стих: Хваліте Бóга во святых Егó./ хваліте Егó во утвер́жении сілы Егó.

Октоих, глас 2, Неделя на 4

Стих: Хваліте Егó на силах Его,/

хваліте Егó по мно́жеству вели́чества Егó.

Всякое дыха́ние и вся тва́рь,/ Тя сла́вит, Го́споди,/ я́ко Кресто́м сме́рть упраздніл еси́,/ да пока́жеша лю́дем, е́же из ме́ртвых Твое́ воскресе́ние,// я́ко Еди́н Человеколю́бец.

Стих: Хваліте Егó во гла́се тру́бнем,/

хваліте Егó во псалти́ри и гу́слех.

Да рекۇт иудее́,/ ка́ко во́ини погуби́ша стрегۇщи Царя́?/ почто́ бо ка́мень не сохрани́ Ка́мене жи́зни?/ Или́ Погребё́ннаго да да́дут,/ или́ Воскрё́сшему да поклóнутся, глаго́люще с на́ми:/ сла́ва мно́жеству щедро́т Твои́х,// Спа́се на́ш, сла́ва Тебе́.

Стих: Хваліте Егó в тимпа́не и ли́це,/

хваліте Егó во стру́нах и орга́не.

Ра́дуйтеся, лю́дие, и веселі́тесь,/ а́нгел седя́й на ка́мени грóбнем,/ то́й на́м благовести́, ре́к:/ Христóс воскресе́ из ме́ртвых, Спа́с ми́ра,/ и испо́лни вся́ческая благоуха́ния:// ра́дуйтеся, лю́дие, и веселі́тесь.

Стих: Хваліте Егó в кимва́лех доброгласных, хваліте Егó в кимва́лех восклица́ния,/

Всякое дыха́ние да хва́лит Го́спода.

А́нгел у́бо е́же ра́дуйся,/ прѣ́жде Твоего́ зача́тия, Го́споди,
Благода́тней принесе́:/ а́нгел же ка́мень сла́внаго Твоего́
гроба в Твое́ воскресе́ние отвали́:/ о́в у́бо в печа́ли ме́сто,
весéлия о́бразы возвеща́я:/ се́й же в сме́рти ме́сто, Влады́ку
Жизнода́вца пропове́дуя на́м,/ те́мже вопи́ем ти:// Благоде́-
телю всéх, Го́споди, сла́ва Тебе́.

Слава, глас 8:

Сла́ва Отцу́, и Сы́ну, и Свято́му Ду́ху.

Явля́я Себе́ ученико́м Твои́м, Спа́се, по воскресе́нии/ Си́мо-
ну дал еси́ ове́ц па́ству,/ за любве́ воздая́ние,/ я́же о па́стве
попече́ния ищя́./ Те́мже и глаго́лал еси́:/ а́ще лю́биши Мя,
Пётре,/ паси́ а́гнцы Моя́, паси́ о́вцы Моя́./ Он же а́бие показу́я
друголю́бное,/ о друзе́м учени́це вопроша́ше./ Ихже
моли́твами, Христé, ста́до Твое́ сохраня́й,// от волко́в губя́-
щих е́.

И ныне, глас 2.

И ны́не, и прѣ́сно, и во ве́ки веко́в. Ами́нь.

Преблагослове́нна еси́, Богоро́дице Де́во,/ Вопло́щшим бо
ся из Тебе́ ад пленѣ́ся,/ Ада́м воззва́ся,/ кля́тва потреби́ся,
Е́ва свободѣ́ся,/ смерть умертви́ся и мы ожи́хом./ Тем вос-
пева́юще, вопи́ем:/ благослове́н Христóс Бог,// благоволи́-
вый та́ко, сла́ва Тебе́.

Священник: Сла́ва Тебе́, Показавшему нам свет.

Славословие великое

Лик: Сла́ва в вѣ́шних Бо́гу,/ и на землѣ́ мир,/ в челове́цах благоволе́ние./ Хва́лим Тя, благословѣ́м Тя, кла́няем Ти ся, славосло́вим Тя,/ благодарѣ́м Тя вели́кия ра́ди сла́вы Твое-я́./ Го́споди, Царю́ Небе́сный, Боже, О́тче Вседержи́телю,/ Го́споди Сы́не Единоро́дный, Иису́се Христѣ́, и Святы́й Ду́ше./ Го́споди Бо́же, А́гнче Бо́жий, Сы́не Оте́чь,/ взѣмляй грех ми́ра, помѣ́луй нас./ Взѣмляй грехѣ́ ми́ра, приими́ моли́тву на́шу./ Седя́й одесну́ю Отца́, помѣ́луй нас. /Я́ко Ты еси́ Еди́н Свят;/ Ты еси́ Еди́н Госпо́дь, Иису́с Христос́, в сла́ву Бо́га Отца́, ами́нь./

На всяк день благословлю́ Тя и восхвалю́ и́мя Твое́ во ве́ки, и в век ве́ка/. Сподо́би, Го́споди, в день сей без греха́ сохра́нѣтиса нам./ Благословѣ́н еси́, Го́споди Бо́же отец на́ших,/ и хва́льно и просла́влено и́мя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя. Благословѣ́н еси́, Го́споди, научи́ мя оправда́нием Твои́м **(Трижды)**.

Го́споди, прибе́жище был еси́ нам в род и род./ Аз рех: Го́споди, помѣ́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибе́гох, научи́ мя твори́ти во́лю Твою́, я́ко Ты еси́ Бог мой,/ я́ко у Тебе́ исто́чник живота́,/ во све́те Твоём́ у́зрим свет.// Проба́ви ми́лость Твою́ ве́дущим Тя.

Святы́й Бо́же, Святы́й Кре́пкий, Святы́й Безсме́ртный, помíлуй нас (Трижды).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в, ами́нь.

Святы́й Безсме́ртный, помíлуй нас.

Таже высочайшим гласом: Святы́й Бо́же, Святы́й Кре́пкий, Святы́й Безсме́ртный, помíлуй нас.

Тропари в конец Утрени

Воскрес из грóба и ўзы растерза́л еси́ а́да,/ разруши́л еси́ осужде́ние сме́рти, Го́споди,/ вся от сетей врага́ изба́вивый;/ яви́вый же Себе́ апо́столом Твои́м,/ посла́л еси́ я на про́поведь,/ и те́ми мир Твой по́дал еси́ вселénней,// Еди́не Многоми́лостиве.

Таже глаголет диакон или Священник ектению:

Сугубая ектения

Диакон: Помíлуй нас, Бо́же, по вели́цей ми́лости Твоёй, мо́лим Ти ся, услы́ши и помíлуй.

Лик: Го́споди, помíлуй *(трижды на каждое прошение).*

Диакон: Ещё мо́лимся о Вели́ком Госпо́дине и Отце́ нашем Святе́йшем Патри́архе Кири́лле, и всей во Христе́ бра́тии на́шей.

Диакон: Ещё мо́лимся о Богохра́нимей стране́ на́шей, власте́х и во́инстве ея́, да ти́хое и безмо́лвное жити́е поживе́м во вся́ком благоче́стии и чистоте́.

Диакон: Ещё мо́лимся о блаже́нных и приснопа́мятных создáтелех свято́го хра́ма сего́, и о всех преждепочи́вших отце́х и бра́тиях, zde лежа́щих и повсю́ду, правосла́вных.

Диакон: Ещё мо́лимся о ми́лости, жи́зни, ми́ре, здра́вии, спасе́нии, посеще́нии, проще́нии и оставле́нии грехо́в рабо́в Бо́жиих, бра́тии свято́го хра́ма сего́.

Диакон: Ещё мо́лимся о плодоносящих и добродёющих во святе́м и всечест-
не́м хра́ме сем, тружда́ющихся, пою́щих и предстоящих лю́дех, ожида́ющих от
Тебе́ вели́кия и богáтыя мило́сти.

Священник: Яко Милостив и Человеколюбец Бог еси́, и Тебе́ сла́ву воз-
сыла́ем, Отцу́ и Сы́ну и Свято́му Духу, ны́не и прісно и во ве́ки веко́в.

Лик: Ами́нь.

Ектения просительная

Диакон: Исполним у́треннюю моли́тву на́шу Го́сподеви.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Дне всего́ соверше́нна, свята́, мирна и безгре́шна у Го́спода про́сим.

Лик: Пода́й, Го́споди *(на каждое прошение)*.

Диакон: Ангела мирна, ве́рна наста́вника, храните́ля душ и теле́с на́ших у
Го́спода про́сим.

Диакон: Проще́ния и оставле́ния грехо́в и прегреше́ний на́ших у Го́спода про́-
сим.

Диакон: До́брых и поле́зных душáм нашим, и ми́ра мірови у Го́спода про́сим.

Диакон: Проче́е вре́мя живото́а на́шего в ми́ре и пока́нии сконча́ти у Го́спода
про́сим.

Диакон: Христиа́нския кончи́ны живото́а на́шего, безболе́зненны, непосты́дны,
ми́рны и до́браго отве́та на стра́шнем суди́щи Христóве про́сим.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́-
шу Богоро́дицу и Присноде́ву Мари́ю со все́ми святы́ми помяну́вше, са́ми себе́
и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Яко Бог мило́сти и щедро́т и человеколю́бия еси́, и Тебе́ сла́ву
возсыла́ем, Отцу́ и Сы́ну и Свято́му Духу, ны́не и прісно и во ве́ки веко́в.

Лик: Ами́нь.

Священник: Мир всем.

Лик: И ду́хови твоему́.

Диакон: Главѣ наша Господеви приклоним.

Лик: Тебѣ, Господи.

Возглас: Твое бо есть, еже мѡловати и спасати ны, Бѡже наш, и Тебѣ славу возсылаем, Отцѹ и Сыну и Святому Дѹху, ныне и присно и во веки веков.

Лик: Амѣнь.

Диакон: Премѹдрость.

Лик: Благословѣ.

Священник: Сый благословѣн Христѡс, Бог наш, всегда, ныне и присно, и во веки веков.

Лик: Амѣнь. Утверди, Бѡже, святыю православную веру, православных христіан во век века.

Священник: Пресвятая Богородице, спаси нас.

Лик: Честнейшую Херувѣм и славнейшую без сравненія Серафѣм, без истлѣнія Бѡга Слѡва рѡждшую, сущую Богородицу, Тя величаем.

Священник: Слава Тебѣ, Христѣ Бѡже, упованіе наше, слава Тебѣ.

Лик: Слава Отцѹ и Сыну и Святому Дѹху, и ныне и присно и во веки веков. Амѣнь. Господи, помѣлуй **(трижды)**. Благословѣ.

Отпуст

Воскресый из мѣртвых Христѡс Истинный Бог наш, молѣтвами Пречѣстныя Своея Матере, святых славных и всехвальных Апѡстол, прпп. Исаакія, Далмата и Фавста, святых праведных Богоотец Іоакіма и Анны, и всех святых, помѣлуе и спасет нас, яко Благ и Человеколюбец.

Многолетіе

Лик: Великаго господина и отца нашего Кирилла, Святѣйшаго Патриарха Московскаго и всея Русѣ,/ и господина нашего высокопреосвященнейшаго **[или преосвященнейшаго]**

імярек, митрополіта [или архіепіскопа, или епіскопа] егó же есть ѡбласть,/ богохранімую страну нашу Россійскую, вла́сти и во́инство ея,/ настоятеля, бра́тию, прихо́жан свята́го хра́ма сего́, и вся правосла́вныя христиа́ны,// Го́споди, сохрани́ их на мно́гая лѣта.

1-й час

Чтец: Приидіте, поклонімся Царéви нашему́ Бо́гу.

Приидіте, поклонімся и припаде́м Христу́, Царéви нашему́ Бо́гу.

Приидіте, поклонімся и припаде́м Само́у Христу́, Царéви и Бо́гу нашему́.

И поклоны три.

Псалом 5

Глаго́лы моя́ внуші́, Го́споди, разумѣ́й звáние моё. Вонмі́ гласу́ молéния моего́, Царю́ мой и Бо́же мой, ꙗ́ко к Тебѣ́ помолю́ся, Го́споди. Зау́тра услы́ши глас мой, зау́тра предста́ну Ти, и ўзриши мя. ꙗ́ко Бог не хотѣ́й беззакóнныя, Ты еси́: не приселі́тся к Тебѣ́ лука́внуяй, ни́же пребу́дут беззакóнницы пред очі́ма Тво́има: возненаві́дел еси́ вся дѣлающыя беззакóние. Погуби́ши вся глаго́лющыя лжу: му́жа кровей и льсти́ва гнуша́ется Госпо́дь. Аз же мно́жествомъ мѣ́лости Твое́я, вни́ду в дом Твой, поклоню́ся ко хра́му свято́му Твоему́, в стра́се Твоемъ. Го́споди, наста́ви мя пра́вдою Твое́ю, враг мо́ихъ ра́ди испра́ви пред Тобо́ю путь мой. ꙗ́ко несть во устѣ́х ихъ і́стины, се́рдце ихъ суетно, гробъ отве́рст горта́нь ихъ: ꙗзы́ки сво́ими льща́ху. Суді́ им, Бо́же, да отпаду́т от мы́слей сво́ихъ, по мно́жеству нечесті́я ихъ изри́ни ѧ́, ꙗ́ко преогорчи́ша Тя, Го́споди. И да возвеселя́тся вси упова́ющіи на Тя, во век возра́дуются, и всели́шися в них, и похва́лятся о Тебѣ́ лю́бящии і́мя Твое́. ꙗ́ко Ты благослови́ши пра́ведника, Го́споди: ꙗ́ко ору́жиемъ благово́ления венча́л еси́ нас.

Псалом 89

Го́споди, прибѣ́жище былъ еси́ намъ в род и род. Пре́жде да́же гора́мъ не бы́ти и создáтися земли́ и вселénней, и от вѣ́ка и до вѣ́ка Ты еси́. Не отврати́ челове́ка во смире́ние, и реклъ еси́: обрати́тесь, сы́нове челове́чести. ꙗ́ко ты́сяща летъ пред очі́ма Тво́има, Го́споди, ꙗ́ко день вчерáшний, і́же мимо́иде, и стра́жа но́щная. Уничижéния ихъ лѣ́та бу́дут.

Утро яко трава мимоидет, утро процветет и прейдет: на вечер отпадет ожестеет и исхнёт. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исцелит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидех. Не прильпе мне сердце строптиво, уклоняющегося от мене лукаваго не познах. Оклеветавшего тай искренняго своего, сего изгонях: гордым оком, и несатым сердцем, с сим не ядях. Очи мои на верныя земли, посадати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. **(Трижды)**

Господи, помилуй. **(Трижды)**

Тропарь воскресный, глас 2

Егда снизшел еси к смерти, Животе Безсмертный, / тогда ад умертвил еси блистанием Божества: / егда же и умершие от преисподних воскресил еси, / вся силы небесныя взываху: / Жизнодавче, Христэ Боже наш, слава Тебе.

Слава Отцу, и Сыну, и Святому Духу.

Тропарь прпп. Исаакия, Далмата и Фавста, глас 4

Бóже отецъ нáших,/ творяй прísно с нáми по Твоéй крóтости,/ не отстáви мíлость Твою́ от нас,/ но моли́твами их/ в мíре упрáви живóт наш.

И нýне, и прísно, и во вéки векóв. Амíнь.

Богородичен: Что Тя наречём, о Благодáтная?/ Нéбо, я́ко возсия́ла еси́ Сóлнце Прáвды. / Рай, я́ко прозяблá еси́ цвет нетлéния. / Дéву, я́ко пребы́ла еси́ нетлénна. / Чíстую Мáтерь, я́ко имéла еси́ на святýх Твои́х объáтиях Сýна, всех Бóга. / Тогó моли́ спастísся душáм нáшим.

Стопы́ моя напра́ви по словеси́ Твоемý/ и да не облада́ет мно́ю всякое беззакóние.

Избáви мя от клеветы́ челове́ческа, / и сохрани́ заповеди́ Твоя́.

Лице́ Твое́ просвети́ на раба́ Твоегó/ и на́учи мя оправдáнием Твои́м.

Да испóлнятся уста́ моя хвалéния Твоегó, Гóсподи,/ я́ко да воспою́ сла́ву Твою́,/ весь день великолéпие Твоё.

Святýй Бóже, Святýй Кре́пкий, Святýй Безсме́ртный, поми́луй нас. **(Трижды, с крестным знаменем и поясным поклоном)**

Сла́ва Отцý и Сýну и Святóму Дýху, и нýне и прísно и во вéки векóв. Амíнь.

Пресвятáя Трóице, поми́луй нас; Гóсподи, очисти́ грехи́ нáша; Владýко, прости́ беззакóния нáша; Святýй, посети́ и исцели́ немо́щи нáша, и́мене Твоегó рáди.

Гóсподи, поми́луй. **(Трижды)**

Сла́ва Отцý и Сýну и Святóму Дýху, и нýне и прísно и во вéки векóв. Амíнь.

О́тче наш, И́же еси́ на небесéх! Да святíтся и́мя Твоё, да приíдет Цáрствие Твоё, да бýдет во́ля Твоя́, я́ко на небеси́ и на землí. Хлеб наш насýщный да́ждь нам днесь; и оста́ви нам до́лги нáша, я́коже и мы оставля́ем должникóм нáшим; и не введи́ нас во искуше́ние, но избáви нас от лука́ваго.

Священник: Я́ко Твоё есть Цáрство и сила, и сла́ва Отца́ и Сýна и Свята́го Дýха, и нýне и прísно и во вéки векóв.

Чтец: Амíнь.

Кондак воскресный, глас 2

Воскрёсл еси́ от гроба́, Всесильне Спа́се,/ и а́д ви́дев чу́до, ужасе́ся,/ и ме́ртвии воста́ша;/ тва́рь же ви́дящи сра́дуется Тебе́,/ и Ада́м свеселится́,/ и ми́р, Спа́се мо́й, воспева́ет Тя́ при́сно.

Го́споди, поми́луй **(40 раз)**.

И́же на вся́кое вре́мя и на вся́кий час, на Небеси́ и на земли́, покланя́емый и сла́вимый, Христé Бо́же, Долготерпели́ве, Многоми́лостиве, Многоблаготро́бне, И́же пра́ведныя любя́й и грéшныя ми́луяй, И́же вся зовы́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очисти́, помышле́ния испра́ви, мы́сли очисти́ и изба́ви нас от вся́кия ско́рби, зол и боле́зней, оградí нас святы́ми Твои́ми А́нгелы, да ополче́нием их соблюда́еми и наставля́еми, дости́гнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Го́споди, поми́луй, **(Трижды)**.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Честне́йшую Херувим/ и сла́внейшую без сравне́ния Серафим,/ без ислéния Бо́га Сло́ва ро́ждшую,/ су́щую Богоро́дицу, Тя велича́ем.

И́менем Господни́м благослови́, о́тче.

Священник: Бо́же, ущéдри ны́ и благослови́ ны́, просвети́ лице́ Твое́ на ны́ и поми́луй ны́.

Чтец: Аминь.

Священник: Христé, Све́те И́стинный, просвещáяй и освящáяй вся́кого че́ловека, грядúщаго в мир, да зна́менается на нас свет лица́ Твоего́, да в нем у́зрим Свет Непристу́пный: и испра́ви стопы́ на́ша к де́ланию за́поведей Твои́х, моли́твами Пречи́стыя Твоея́ Ма́тере, и всех Твои́х святы́х, ами́нь.

Лик: Глас 8. Взбра́нной Воево́де победи́тельная,/ я́ко изба́вльшеся от злых,/ благодарственна́я воспису́ем Ти раби́ Твои́, Богоро́дице,/ но я́ко имúщая держа́ву непобеди́мую,/ от вся́ких нас бед свободи́, да зове́м Ти;// ра́дуйся, Невéсто Неневéстная.

Священник: Сла́ва Тебе́, Христэ́ Бо́же, упова́ние на́ше, сла́ва Тебе́.

Лик: Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь. Го́споди, помілуй, **(Трижды)** Благо-сло́ви.

Отпуст

Воскресый из ме́ртвых Христос И́стинный Бог наш, моли́твами Пречи́стыя Своея́ Ма́тере, преподо́бных и богоно́сных оте́ц на́ших и всех святы́х, помілуе́т и спасе́т нас, я́ко Благ и Человеколю́бец.

Лик: Го́споди, помілуй, **(Трижды)**.